

欽定剿平粵匪方略

欽定勦平粵匪方略卷二百二十三 己未年

八月初四日

辛丑

勝保奏言據副將李世忠稟稱

來安屢被逆衆攻撲均經擊退七月二十日該副將督令李元忠等帶勇一千二百名於是夜出隊行近賊營拋擲火彈火箭登時火起賊衆亂竄我軍乘勢搶入將賊營燒燬其餘各營之賊望風瓦解我軍勇氣百倍連破賊營二十八

座來安三門賊營二十一日盡行攻拔其西北
鄉卓家集所紮賊營同時一律踏毀共斃賊匪
千餘名生擒十餘名奪獲糧米一萬餘石逆衆
向西南逃竄該副將恐其與滁州之賊合力併
攻卽於二十一日帶隊由來回滁並飭都司朱
元興由滁城出隊夾擊鏖戰三時我軍與賊互
有殺傷旋收隊入城等語查滁州城高糧足可

保無虞惟來安城垣較薄恐致被困茲來安之
圍旣解滁州之賊不日亦當敗竄回巢臣仍飭
該副將嚴密防範不得稍有疏懈奏入

上諭內閣曰逆賊圍攻來安縣城將近兩月經官軍奮
擊連獲勝仗七月二十日李世忠督令李元忠等帶
勇出隊連破賊營二十八座斃匪千餘名辦理尙爲
得手李世忠自投誠授職以來屢著戰功此次復力

解城圍實屬奮勇可嘉著發去白玉翎管一枝漢玉
搬指一箇大荷包一對小荷包四箇卽著勝保傳旨
賞給李世忠祇領以示獎勵

同日署湖南提督周天受奏言臣於六月三十
日行抵涇縣布置甫定七月初八日據探初七
日賊由石埭縣七都竄至太平縣之郭村官軍
營盤被圍查郭村近依羊棧嶺過嶺四十餘里

卽係黟縣距太平縣城亦僅七十餘里徽甯並
形喫緊 臣卽派副將榮陞熊廷芳參將劉仁福
帶兵勇一千七百名馳援該逆已於初八日將
郭村營壘攻陷榮陞等當在離太平縣城十餘
里之甘棠地方立營禦其兇鋒 臣與 臣張芾妥
商調度檄飭副將王恩榮等移營進逼豫約皖
南鎮總兵江長貴擊其中汀州鎮總兵米興朝

攻其後三面會勦或尙不難掃除七月初三十
一十三等日有另股賊匪由青陽縣之楊田壩
竄撲涇縣所屬之萬級嶺西鄉嶺經參將吳正
熙奮力截擊續令副將石玉龍由三里店馳往
接應臣親督參將朱景山等紮營灣灘以爲後
勁十三日之戰斬獲更多餘匪敗聚青城揚言
勾結建德郭村股匪希圖再逞茲復諄誠將士

嚴備以待其江北之賊竄聚蕪湖者日多時往來於黃池灣汴十數里間多方窺伺而派往石太援兵計數已過五千調度未免掣肘臣仍駐涇縣就近運籌並檄催榮陞王恩榮等迅速會剿剋期撲滅奏入

上命軍機大臣傳諭張芾曰逆匪由石埭縣之七都竄入太平縣屬之郭村攻陷官軍營壘微甯並形喫緊

經周天受派副將榮陞等馳往應援力遏兇鋒此項官兵卽著歸張芾妥爲調度會合江長貴米興朝各軍三面兜剿迅掃逆氛其另股逆匪先後由楊田壩竄撲涇縣所屬之萬級嶺西鄉嶺雖經周天受派員勦擊屢獲勝仗惟賊情兇狡或勾結建德郭村股匪再圖滋擾亦不可不嚴加防備著與周天受妥籌勦辦毋令紛竄

同日有鳳奏言據廣西巡撫曹澍鍾家丁呈稱
伊家長繼母李氏留寓川省茲於咸豐九年六
月二十二日病故曹澍鍾係屬長子例應丁憂
等情所有廣西巡撫丁憂遺缺應請

旨迅賜簡放以重職守奏入

上諭內閣曰廣西巡撫曹澍鍾現丁母憂著照軍營例
賞假百日卽赴四川寓所經理喪事所有廣西巡撫

署四川布政使祥奎署理曹澍鍾百日後仍著回至
廣西署理巡撫俟軍務完竣再補行終制以遂孝思

初六日

癸卯

曾國藩奏言查江西雖全省肅清防

務未可稍鬆前此江軍之在北路者饒州有劉
于瀆一軍彭澤有普承堯一軍臣昨經過省城

與臣耆齡熟商擬留饒廷選在江添領一軍又
令吳坤修出省另領一軍皆防守北路九饒各

屬普承堯一軍自建德敗挫士氣未復祇能謹
守彭澤不能進圍皖境其劉于濬饒廷選吳坤
修三人擬以二軍分防北路以一軍助攻皖南
稍濟徽州兵力之所不逮至南路吉贛等屬如
係粵中小股來犯本省兵力足以禦之如係寶
慶大股回竄仍須奏調蕭啟江一軍攔頭迎勦
與湖南追擊之師共收夾攻之效至臣隨身所

帶各營不特不能抽撥赴皖並不能酌留防江
且商調湘後營之千六百人攜以赴鄂此臣處
兵單不克分勦皖境之情形也臣初十日抵省
十七日至吳城鎮十九日行抵湖口與楊載福
彭玉麟會晤臣所設之糧局各員亦隨至湖口
其中有須親爲覈對者約須三四日乃能清理
就緒前自景德鎮調來之朱品隆等五營途次

感受暑熱病卒甚多不得不給假醫調一俟稍
愈卽當督率邁行由鄂入川籌防全蜀仰副

皇上弭患未形之至意奏入報

聞

初九日丙午勝保奏言近來皖省軍營掣肘情形

敬爲

皇上陳之淮北所患者惟捻匪張翼二逆踞懷遠爲老

巢自蒙亳以達徐宿賊圩林立無不聽其指揮
但得首惡就誅餘可迎刃以解提 臣傅振邦久
在戎行素稱勇敢但於輕重緩急機宜尙有未
能妥愜之處前以全力圖勦孫疇捻圩近又於
百善站攻擊卜黑小零股捻首查淮北捻匪如
孫疇卜黑小者不知凡幾勦不勝勦卽果能攻
克仍於大局無補徒以牽掣兵力逆首何日能

除此淮北捻患之情形也至淮南逆勢自盱眙
攻復羣賊圍撲滁來妄冀直達浦口以爲援救
金陵之計今兩城雖已解圍而廬州定遠紅心
一帶賊蹤蔓延北渡西竄皆在意中翁同書一
軍自當遏其兇鋒毋令侵犯第臣觀其布置情
形恐無實際現聞賊衆已過鑪橋擾及距壽州
城十餘里之中心渡儻潛圖西犯則潁州危而

豫境必致震動此淮南粵逆之情形也此時淮南辦法當以堵爲勦淮北辦法當以進爲攻翁同龢一軍兵勇本有萬餘且臣前派赴援馬隊官兵尙在西路並未調回各省解送該撫餉銀已逾十二三萬可無兵單餉匱之虞亟宜激勵士卒嚴加守禦能進則前紮鑰橋會合臣所派總兵張得勝副將李世忠等規取定遠不能進

則以全隊力扼壽春兼防霍六不可再借詞退
撤致壞全局容臣攻克懷城再當合軍兜勦傅
振邦一軍計所統馬隊不下二千臣意應留一
半分屯宿州濉口兩處以備不虞其永城等處
山東會勦官兵仍紮原營扼賊竄路該提臣卽
可統帶所餘馬步兵勇由固鎮節節前進與臣
軍會搗懷城臣當親統水陸各軍由臨淮蚌埠

進兵以擊其東傅振邦由魏家圩蘇家集一帶
以擊其北再由臣調遊擊黃開榜黃鳴鐸等水
師攻其西南候補道苗沛霖各練兜其西北如
此四路環攻孤城自無難立下若再得德楞額
馬隊一軍前來作爲奇兵往來策應更臻周密
懷遠一克則鳳臨降衆益當帖服而河道暢行
前稍易裕然後留兵淮北以清餘捻分兵淮南

以勦粵逆皖中軍務自有轉機但行師之要貴
一事權並懇

飭下翁同書傅振邦嗣後每遇戰守機宜依臣籌畫臣
亦必虛心集益義協同舟庶軍事可期日有起
色奏入

上命軍機大臣傳諭勝保翁同書傅振邦曰據勝保奏
稱傅振邦素稱勇敢但於緩急機宜未能妥愜徒以

孫疇等匪牽掣兵力無補大局翁同書旣以穎壽自任自當力遏兇鋒觀其布置情形恐無實際現擬與傅振邦等併力進攻懷城並派張得勝李世忠等規取定遠其翁同書一軍卽令以堵爲勦所籌均尙周密所有懷遠東路卽著勝保親率水陸各軍由臨淮蚌埠進攻其西南西北兩路並准其調遊擊黃開榜等水師及道員苗沛霖練勇分投攻擊至北路固不

可無兵撓勦而傅振邦有督勦三省捻匪之責駐軍
徐宿扼賊北竄未容遠離前經該提督奏明已派令
參將滕家勝知縣林作霖等帶兵隨同進取卽著該
大臣酌量派撥合力進攻傅振邦著毋庸親往至德
楞額一軍駐紮韓莊地屬山東直隸門戶防賊北犯
尤關緊要勝保擬調往會勦之處亦毋庸議其所請
馬隊已據僧格林沁於津防各軍內派撥綏遠城馬

隊五百名前往昨已諭該大臣知悉自可迎提應用
翁同書退守壽州後各省餉銀漸皆解到已無飢潰
之虞且勝保所撥馬隊並未調回兵力不爲不厚惟
當激勵將士力贖前愆著嚴扼壽春兼防霍六不得
再行退撤致匪氛蔓延西路儘能相機前進與總兵
張得勝等軍會合攻取定遠不必專俟勝保移師尤
爲妥善勝保督辦安徽軍務固宜虛衷商榷不可稍

涉驕矜翁同書傅振邦均係幫辦亦當勸力同心和衷共濟不准各存意見致負委任

勝保又奏言粵逆陳玉城前挾副將李世忠歸順獻城之恨糾合大股賊衆將餘來兩城圍困經臣疊次諭令該副將嚴加防守茲據稟稱自七月二十日出隊獲勝來安解圍後卽於二十一日回紇令都司朱元興陳廣俊等帶勇二千

名於是夜三更直襲賊營該逆分千餘人潛出
欲抄官軍之後陳廣俊等同軍轉戰賊復大股
由營前衝出朱元興奮力截殺一齊擁入營內
外之賊同時奔潰賊營四座全行踏毀追至沙
河集將該處賊營圍攻二十二日知縣李元忠
都司蔣立功由來安赴沙河集賊營之後攻擊
守備倪文藻江如霖由滁州出隊亦於辰刻趕

到適臣所派營總郭興阿等帶領馬隊由張八嶺馳抵該處遂會合各隊四路環攻朱元興陳廣俊蔣立功首先撲入弁勇繼進該匪無路可逃被我軍殲斃五百餘名生擒六百餘名郭興阿等馬隊進攻沙河以南賊營踏毀二座殺賊甚多李世忠復派勇五千人由滁州至沙河輪流環攻將賊營四十七座全行攻破李世忠督

隊追勦至龍停口地方復踏毀賊營六座二十三日追至關山迤西之朱龍橋賊向西南奔竄查滁來二城受困重圍深恐力有難支乃該副將憑城堅守時近五旬會同馬隊官軍大挫兇鋒二城立即解圍實屬勇敢有爲應請

旨將卽補副將山東河標參將李世忠以總兵升用其守城在事出力文武員弁懇

恩俯准由臣覈實請獎以勵戎行奏八

上諭內閣曰南路擊賊大獲勝仗滁來二城解圍卽補副將山東河標參將李世忠前次來安解圍曾經降旨嘉獎並賞給翎管等件此次復連獲大勝了解滁州城圍實屬勇敢有爲李世忠著以總兵升用以示鼓勵其守城在事出力文武員弁著勝保查明酌保

初十日

丁未

耆齡奏言查江楚官軍收復景德鎮

浮梁縣城敗匪先竄祁門被該處兵勇擊敗由
建德竄往石埭其先踞建德股匪仍與徽郡防
兵相持臣以建德之賊未除不但爲徽郡之憂
亦江西饒九二郡肘腋之患擬卽酌撥得勝之
師會剿建德而統帶楚軍之道員曾國荃張運
蘭王文瑞或率勇赴援湖南或隨同曾國藩由
楚防蜀道員劉于瀆督帶水師未能由陸路出

境攻勦應卽欽遵

諭旨飭令九江鎮總兵普承堯赴建夾擊惟建德連界之池州等處乃逆匪淵藪援賊之來甚易普承堯必須帶勇五千進攻庶兵力較厚可期得手其彭澤地方爲江境鎖鑰卽以副將文瑞統帶鼓左等營三千餘人前往接防杜賊乘虛抄襲並可壯普承堯後路聲援業已飛咨普承堯一

侯文瑞到彭卽行拔營前進約會徽師攻勦奏
入報

十二日己酉袁甲三奏言自古設險守國首重城

池失守城寨律有常刑乃近年粵逆土匪各省
肆擾經過各州縣往往一闕而陷推原其故皆
由該地方官既不修築城池爲守禦之備又不

講求訓練謀守禦之方百姓見城無可恃一聞
警信紛紛逃避地方官或先民而逃或隨民遠
去迨城旣被陷復藉詞賊到之時出調團練並
先期在某處防堵冀倖開脫該管上司亦卽明
知不問曲爲解釋隨營自效旋卽免罪開復相
沿成習視爲固然

國法將安在耶夫堅壁清野爲禦寇良方今之鄉

民平地築圩賊卽不敢犯而謂城不可守其誰
信之且各處城池相距數十里及數百里不等
處處守禦嚴密則聲勢聯絡賊必不敢深入勦
辦較易爲力守與不守其得失之相去何啻倍
蓰失守治罪照例辦理非格外從嚴也應請

飭令各路統兵大臣及各省督撫於所屬地方遇有失
守城池者一經查明卽奏請按律治罪不准飾

詞解脫藉口留營並飭所屬州縣如有城池不
完趕緊修築使民咸知有城可恃有官作主不
惟在城者不思逃避卽在鄉者亦聞警入城共
圖守衛何至賊之所至如入無人之境耶抑臣
更有請者軍務省分修理城工者曾經奏准照
捐輸議敘不以尋常城工例請獎方今無賊省
分亦均辦理防堵應請

旨無論有無軍務省分凡係修城捐資者照捐輸議敘出力者照軍功請獎庶人心更爲鼓舞矣奏入

上諭內閣曰地方官失守罪名定例綦嚴乃各省督撫及各路統兵大臣往往於賊陷城池之後率將失事各員藉端奏請留營效力以爲隨同克復開脫罪名地步甚有失守時不奏至克復後始行奏至者殊非所以嚴法紀而肅綱常嗣後著各路統兵大臣及該

督撫等破除積習於失守地方文武員弁隨時奏明
按律治罪不准飾辭開脫藉口留營至城垣所以衛
民果能修繕完固自足以資捍衛並著各該督撫飭
屬勸諭紳民修築所有軍務省分捐資者照捐輸議
敘出力者照軍功請獎其並無軍務省分仍照尋常
城工例獎敘以示區別

十三日

庚戌

官文奏言

臣

前因粵逆竄楚寶郡被

圍日久派令李續宜與劉長佑合力進攻連戰
皆捷城圍頓解敗賊悉數南遁刻下南省軍事
較鬆川省亦已設防可期有備無患臣前次密
陳曾國藩赴川防勦係在南省軍情喫緊之時
亟籌堵禦現在曾國藩一軍若仍前往是以有
用之兵置之無用之地軍情變幻靡常自宜隨
時度勢相機而行邇值皖北賊勢猖獗窺伺壽

州並勾結捻逆意圖滋蔓楚軍自李續賓三河
失利都興阿折回力扼兇鋒賊遂東犯六合江
浦等處張國樑勝保分師拒之而復北竄定遠
翁同書兵單餉匱勢不能支臣朝夕籌思皖省
現在情形亟須厚集兵力分路剿辦曾國藩一
軍除撥援南省外現留所部僅數千名臣擬請
緩赴川省暫令駐紮江西湖口候湖南大定調

回援湖勇丁一萬數千人由臣撥給黑龍江新到馬隊數百作爲一軍又臣咨行南省撤回李續宜並先後派援之馬步水師萬餘人再俟新到黑龍江馬隊添撥數百名作爲一軍又現駐太湖之多隆阿鮑超馬步隊共一萬數千名爲一軍再以唐訓方駐宿之師輔楊載福水師而行撫臣胡林翼現駐黃州約所部勇丁五千人

合之石清吉余際昌等各營共計萬人爲一軍
副都統舒保馬隊輔之由胡林翼親督爲各路
後援以上六軍分爲四路步步爲營兼護餉道
臨期互相策應相機前進並先期飛咨張國樑
派軍由浦口天長勝保由滁淮一帶節節進逼
仍由翁同書傅振邦守住北路截開捻逆扼其
北竄庶髮捻無由聯絡我軍合力圍剿自可一

鼓成功

官文又奏言都興阿久歷行間兩骸積受潮溼步履蹇滯不便乘騎臣查都興阿年富力強心地忠直辦事認真實堪倚爲重鎮可否籲懇

恩施飭都興阿暫赴荊州將軍之任俾整飭旗營公事之餘得以專心調養俟皖省軍事順手大兵東下彼時都興阿足疾痊愈再請

欽派專征如蒙

恩准其所部兵勇亟應遴員統帶查候補副都統多隆
阿勇敢樸誠戰功久著所有都興阿馬步一軍
擬請責成該員統帶可期勝任惟所部多有保
至總兵之員職分較大可否

簡放多隆阿一副都統實缺俾資鈐制而重事權出自
鴻施奏八

上命軍機大臣傳諭官文曾國藩曰皖省粵匪與捻匪勾結蔓延勝保圖攻懷遠翁同書退守壽州廬州以外並無一旅之師前此楚軍東下復以深入失利以致匪勢漫無牽制肆意竄擾官文以寶慶解圍敗賊悉數南竄川省已有備無患請飭曾國藩緩赴川省暫駐湖口俟湖南大定分軍四路步步爲營進勦皖省所籌實於大局有益曾國藩前奏尙在湖口清理

報銷並休息病卒此時儘已起程赴鄂著與官文商酌如湖南大局已定川境可保無虞卽暫駐湖口俟調回湖南各軍爲分路進剿皖省之計設湖南敗匪尙不免有入蜀之虞祇可從緩酌量辦理軍情變幻靡常該大臣等近在鄰省偵探較確必能相機籌畫力顧全局至皖省糜爛已極勝保自護城挫敗後其勢不可復振非由楚省派兵馳援不能牽制賊勢該

大臣等務須亟籌協勦豫爲布置一俟湖南定局卽照所議調撥水陸各軍分路進勦另片奏請飭都興阿赴任等語都興阿著准其赴荊州將軍之任俟大兵東下再行帶兵會勦都興阿所部兵勇卽交多隆阿統帶多隆阿係記名副都統遇缺提奏之員俟有缺出卽行簡放

十六日
癸丑
和春張國樑奏言六合逆匪因被攻

危急於七月二十三日由天長分賊千餘名來
援二十四日總兵張玉良分隊迎截並探知六
合西門出賊二千餘名派遊擊李有才已革遊
擊劉登元率領兵勇迎擊守備馮啟貴單騎橫
衝忽中槍陣亡守備王玉林手刃黃衣賊目二
名劉登元奮勇旁抄賊始披靡時天長援賊將
近六合西門外十里之馬鞍山被營總常壽雙

成遊擊詹啟綸等勦敗逃回竹鎮常壽等同隊
合抄六合之賊斬馘無數復報北門亦出賊一
千餘名張玉良飭副將劉成元參將李觀臣遊
擊王希堂等三路直衝擡礮連環轟擊賊皆棄
械狂奔官軍攻至未刻收隊維時副將趙樹棠
都司湯繼揚等紮太山礮用大礮攻東門賊卡
副將王萬清都司玉興等督攻南門賊俱匿不

出戰是日斃賊四五百名又據水師總兵吳全美稟報七月初五日該總兵督令參將李起高等登岸擊退攔馬溝桂花橋之賊正擬進攻鴉山賊壘適有難民投出據供賊在施家渡孤山一帶鴉山不過千人初八日夜間該總兵密令遊擊鄭吉星等各帶精銳潛抵鴉山出其不意槍礮齊施賊匪驚竄鄭吉星徐明萱手刃賊目

二人將餘賊及逆壘全數剷除又據總兵李德麟稟報近日水陸各賊下竄應敵幾無虛日糧餉軍火俱爲賊阻探得銅陵以內之順安鎮亦有賊營因派一軍由大通進剿牽制此賊而暗帶礮划順流而下以七月初九日夜抵荻港率同守荻都司徐克明守備陳超發銜板疾駛行抵賊營我軍一擁俱進殺賊無算將賊壘礮火

器械搬運上船火其巢穴整軍而回查六合浦
口圍攻已久必須及早得手南北軍務方有把
握現囑幫辦軍務臣李若珠過江設法速拔城
池翦除竄匪至皖北之賊分踞定遠後此外大
股盡由東西梁山過江南竄刻下徵甯告警而
蕪湖之賊增陣浚濠逆首陳玉城帶領賊衆不
下三四萬人竄至金陵意在窺伺我軍營壘並

有分撲灣黃及秣陵關江甯鎮等處之信且欲
直抵金陵之安德門臣等密商除原防高瀆東
壩之總兵劉季三魯占鼇仍飭就地嚴扼外復
令總兵熊天喜暨由六合同紮南路之張玉良
帶領新勇速擣金陵再飭水師總兵陳世忠遊
擊賴鎮海嚴防和州江面參將李新明管帶船
隻與督臣何桂清所派遊擊曾秉忠帶領長龍

船六十號駛泊上游新江口以北四面兜剿或
可得力至守備馮啟貴外委張上洪殺賊捐軀
請

旨交部從優議卹奏入

上諭內閣曰天長逆匪分股援應六合張玉良派令遊
擊李有才等迎擊賊衆披靡維時西北兩門之賊均
經官軍擊敗斬馘無數其鴉山之賊經水師總兵吳

全美分帶船勇奮攻將賊壘全數鏟平總兵李德麟
迎勦大通等處匪黨亦有斬獲勦辦尙屬得手仍著
和春等知照李若珠張玉良等分投攻擊速拔城池
毋任該逆久踞陣亡守備馮啟貴外委張上洪均著
交部從優議卹

二十四日

辛酉

駱秉章奏言逆首石達開因六月

二十八九等日兩次被勦悍賊死傷過多思與

官軍決一死戰七月十五日該逆親率死黨二萬六七千人分爲數十股力攻賀家坳大營李續宜飭各營靜以待之巳刻營總德海率吉林黑龍江馬隊王聯芳張正元率親兵營馬隊胡裕發沈俊德李續遠彭星占彭炳武梁作楫于高勝劉長槐郭鵬程羅重世各率所部開壁齊出李續宜率金國琛毛有銘李光燦中右兩營

急起衝殺賊勢不支紛紛鼠竄陣斬長髮悍賊二百六七十名生擒八十四名內有僞渠帥胡德哮僞統戎陳麗江及各僞目二十八名其撲犯龍安橋渡頭橋官軍營壘者均經各營勦敗斃賊甚多十六日夜賊分兩路竄走趙煥聯焚東路賊壘斃賊七八百名鄒漢章督所部截擊西路鼠賊陣斬二百餘名其由南路走新甯東

安旁出武岡者劉長佑田興恕江忠義率營追
之田興恕是夜追至九鞏橋白楊鋪一帶斃賊
約四千餘名陣斬僞左旗中制黃立英僞檢點
陳明友等十餘名生擒五百三十餘名內有僞
將軍蔡洸遠周子幅王智明僞提審孫子汝等
救出難民七百五十餘人江忠義是夜亦追至
九鞏橋白楊鋪斃賊四五百名生擒僞將軍李

稔發僞通傳許以詳等四十五名劉長佑大隊
繼至沿途擒斬無算十八日追至大臨橋殺賊
三千餘名生擒二百餘名十七日李續宜躡蹤
緊追沿途斃賊五六百名解散七八千人十八
日李續宜至水田鋪追及石逆大隊適賊之分
竄祁陽界者來此會合石逆與之合陣設伏以
禦追師李續宜分軍搜勦鏖戰三時賊勢紛潰

計殺賊五六百名生擒三百餘名拔出難民六七千人是夜賊卽潛竄二十日前隊已抵東安之蘆洪司官軍因居民遷避購米殊難未能速進二十二夜間劉長佑江忠義飭席寶田由楊田覓路徑擣蘆洪斃賊二百餘名賊復驚竄二十六日蕭啟江各營至白茅市沿途斬獲頗多生擒僞將軍楊家廷先鋒馬繼淵訊據供稱石

逆連夜奔竄已入廣西全州興安地界矣是日
前竄永明之匪復由灌陽竄近道州之小坪地
方適臣調赴永州截勦竄賊之魏喻義帶所部
桂勇一千五百名自江華馳至二十八日行抵
小坪賊復向永明逃逸魏喻義追至筒車尾分
三路衝殺復薄諸溪岸斬賊數百溺斃者約千
名餘匪仍由永明竄去臣查逆首石達開自江

西南安突竄湖南其意專注鄂蜀當竄擾郴桂
之時晝夜兼行本圖先陷永州以趨寶慶寶慶
失則常澧辰沅靖各府州均將受其蹂躪而犯
鄂圖蜀之勢成矣迨猝攻永州經官軍勦敗立
解重圍奸謀頓阻於是嗾賴逆攻東安石逆自
攻祁陽以牽掣我師陰令逆首傅忠信喻子和
陳亨容等乘閒取新甯武岡以趨寶慶其分黨

山沒兩粵與湖南邊界者蓋欲分我兵力以亂
吾謀也東安陷後幸江忠義速至新甯武岡兩
保危城劉長佑劉坤一還救新甯五獲大捷田
興怒力扼九鞏橋連戰皆勝而後寶慶之禍稍
紓石逆在祁陽屢挫復糾賴傅喻諸逆仍犯寶
慶陳亨容蕭壽璜兩逆仍犯新甯以牽掣劉長
佑劉坤一之師幸劉長佑江忠義繞由寶慶西

北渡資而東而劉坤一與江忠濬等亦將新甯之賊擊退賊衆悉萃寶郡勢雖危險而該逆偏聚一方亦成孤注矣六月二十五六七等日石逆以援軍厚集決計力攻幸寶東諸軍悉力支持殺賊數千李續宜又從北路直攻其瑕二十九日一戰大挫兇鋒賊勢日蹙窺伺鄂蜀之謀頓息此皆官軍所獲生賊及賊中僞札所言之

情狀也臣前奏賊勢非極窮蹙斷不竄粵今雖竄入粵西其志亦斷不久踞或由柳州北境融縣懷遠一帶入黔仍遂其竄蜀本謀或由廣西湖南邊界竄廣東以回竄江西皆未可定然廣西兵餉兩絀勢恐難支湖南自應速爲追勦臣已飭劉長佑蕭啟江各統所部援粵李續宜本湖北不可多得之將皖事甚急斷不可久留於

湘已飭其將所統湖南各軍布置周妥仍帶所部湘勇五千餘人返鄂田興恕一軍頗能力戰臣慮賊由融懷入黔仍須調此軍由武岡綏甯靖州扼之所以固楚應黔而遏其趨蜀之勢也其餘各軍應分扼道州永州郴州桂陽各屬堵其竄楚竄江兼遏廣東竄楚之賊臣當斟酌情形量爲調遣此次大股逆賊竄入湖南號稱數

十萬能戰者實不止十萬之多除永州祁陽新甯寶慶諸大戰及連次斬獲解散外其竄入粵西者尙有數萬人臣不敢以餘匪他竄爲詞此次勦賊得力員弁謹先行開單懇

恩獎勵其餘出力各營弁勇容臣彙案覈保陣亡千總

左策一請照守備例議卹把總張貴先王必貴戴正和蔣連陞均請從優照千總例議卹

同日廣西巡撫曹澍鍾奏言湖南永明股匪於
六月二十九日竄出恭城縣龍虎關一帶地方
臣以平郡空虛恐爲該匪掩襲商令藩司蔣益
澧帶兵前往七月初四日馳抵平樂該匪萬餘
人已由間道趨至二塘屯紮初五日大股分路
撲城蔣益澧率衆登陴擊斃賊匪多名初六日
賊復偪近城根並擡架雲梯拌死爬上蔣益澧

督軍施擲槍礮甄石傷斃二百數十人賊卽退
走蔣益澧隨率兵勇分投出擊並飭水師順流
追勦適知府潘家馥等由恭城回軍都司何萬
華等由修荔回軍合力夾攻該匪大敗跨山踰
嶺而逃追殺十餘里共計斃匪一千餘人生擒
長髮老賊一百二十一名初七日追至馬鞍山
周塘渡又殺賊六七百名該匪擁擠過渡溺死

無數餘衆悉往蓮花墟逃遁旋據探該匪已全
竄灌陽蔣益漴恐其衝出全州興安蔓延北路
當飭訓導胡錚率勇一千五百名繞赴興安賣
豬嶺扼要堵截紮營甫定該匪大股驟至各勇
力戰因勢單難支被賊衝散胡錚不知下落該
逆分踞全州石塘墟麻子渡及興安界首等處
上至靈川並據全州稟報湖南寶慶新甯各賊

經官兵擊敗自東安竄入該州各鄉約計數萬人查該匪爲石達開分股竄擾數省旣悍且衆此次突撲平郡幸蔣益澧先期馳至將該逆擊敗克保郡城乃該匪復以數萬人竄出與全北路寶慶大股潰匪又窮蹙竄粵是其意非分擾全州扼楚粵之咽喉卽直窺省垣臣已先飭署右江道蘇鳳文馳赴全州督率全州灌陽興安

各文武紳團相機防勦惟省門爲根本重地尤須嚴行戒備會垣存兵僅一千餘名不敷分撥抽調附近團練一二千名來省保護臣與學臣李載熙力籌防守飛飭蔣益澧先顧所急督軍回省策應並咨湖南撫臣迅移寶慶得勝之師或另撥勁旅跟蹤來粵追勦應援部署甫定詎該匪陡於二十九日擁衆萬餘直撲省城臣在

北門城樓督戰開礮轟擊立斃悍賊百數十人
其分撲各門之賊又被官紳殲斃多名該匪遂
退去十餘里分處屯紮臣督飭在城文武晝夜
嚴防適蔣益澧統帶各軍於八月初二日到省
俟布置周妥卽行出勦惟冀一鼓作氣迅掃賊
氛仍請

飭下湖南撫臣迅速調兵撥餉來粵以期厚集兵力悉

數殲除臣並飛咨署兩廣督臣勞崇光一體撥
兵來西會勦庶可早日蕪事此次平樂在事文
武辦理妥速著有微勞可否俟省匪肅清擇尤
彙請獎勵出自

鴻慈均奏入

上命軍機大臣傳諭駱秉章曰江西等省逆匪竄擾湘
中經駱秉章督派將士分投擊勦漸就肅清辦理尙

爲迅速其竄粵之賊現據曹澍鍾馳奏該匪竄至平
樂府城經官軍擊敗後復全股進偏省城勢甚危急
駱秉章旣派劉長佑蕭啟江兩軍往援著卽催令前
進與粵省各軍力籌會剿至該撫揣度賊情以今雖
竄入粵西未必久踞或由柳州以北入黔仍遂其竄
蜀本謀或由廣西湖南邊界竄廣東以回江西所慮
皆能確中賊情著卽留田興恕一軍探明逆賊果有

入黔消息卽調由武岡至綏甯靖州一路力圖截扼
其李續宜所統湘勇並前調馬隊均著仍回湖北以
資防勦餘如道州等處應行嚴防各要隘著察看賊
蹤隨時堵截

上

又命軍機大臣傳諭曹澍鍾曰逆匪自湖南敗竄因
官軍各路追擊無可藏身直撲廣西省城曹澍鍾激
勵將士力挫兇鋒該匪業已屢受懲創不難迅解城

圍本日復據略秉章奏派令劉長佑蕭啟江帶兵赴
廣西會剿即可飛催該道等並所調廣東之兵與蔣
益澧會合夾擊毋任滋蔓儻該逆經官軍擊退後竄
往他處仍著蔣益澧等實力追剿一面飛咨鄰省迎
頭截擊總期盡殲醜類毋任竄往四川江西等省滋
擾是爲至要其平樂勦賊文武員弁兵勇著俟該省
肅清後准其彙案保奏

上諭內閣曰此次賊匪由江西南安突竄湖南地方號稱數十萬經略秉章調派各軍合力勦辦幾於擒斬殆盡湖南地方漸就肅清辦理甚爲妥速所有尤爲出力之候選同知直隸州知州金國琛著免選本班以知府遇缺卽選並賞加道銜副將胡裕發沈俊德均著交軍機處記名遇有總兵缺出請旨簡放蕭慶衍彭星占均著賞加總兵銜參將劉長槐李續遠均

著免補參將以副將儘先推補都司于高勝王桐柏
均著免補都司以遊擊儘先補用于高勝並著賞換
花翎守備王復勝著免補守備以都司儘先補用並
賞加遊擊銜把總李續榭著免補把總以守備儘先
補用候選府經歷縣丞毛有銘著免選本班以通判
遇缺卽選並賞加五品銜文童李光燎著以府經歷
縣丞遇缺卽選並賞戴藍翎卽選道江忠義著賞給

額爾德木巴圖魯名號知府劉嶽昭著以道員卽選
知縣楊安臣著以同知遇缺卽選並賞換花翎驍騎
校德海著以佐領補用副將余星元著仍以副將儘
先推補升用副將楊恆升著以副將儘先推補並賞
給該員父母封典副將朱品文著賞加總兵銜都司
朱維堂著以遊擊留於湖南補用知縣魏喻義著以
同知卽選以示鼓勵其餘出力各營弁勇著駱秉章

嚴實保奏陣亡千總左策一著照守備例議卹把總
張貴先王必貴戴正和蔣連陞均著從優照千總例
議卹